



Broj:05-04-20-3540-5/23
Datum:11.12.2023.godine

Na osnovu člana 100. stav (3) Zakona o javnim nabavkama („Službeni glasnik BiH“, broj 39/14 i 59/22), i člana 42. Statuta Općine Maglaj („Službene novine Općine Maglaj“, br. 8/07, 3/08 i 6/08), a u vezi sa žalbom ponuđača „DKM Gradnja“ d.o.o. Maglaj od 05.12. 2023. godine, na Odluku o izboru najpovoljnijeg ponuđača broj: 05-04-20-3540-3/23 od 29.11.2023. godine u postupku javne nabavke „Izvođenje radova na sanaciji eksterijera Doma u MZ Misurići“, Općinski načelnik, donosi

ODLUKU

o usvajanju žalbe i izboru najpovoljnijeg ponuđača

Član 1.

Usvaja se žalba ponuđača „DKM Gradnja“ d.o.o. Maglaj izjavljena na Odluku o izboru najpovoljnijeg ponuđača broj: 05-04-20-3540-3/23 od 29.11.2023. godine u postupku javne nabavke „Izvođenje radova na sanaciji eksterijera Doma u MZ Misurići“, kao osnovana.

Član 2.

Stavlja se van snage odluka o izboru najpovoljnijeg ponuđača broj: 05-4-20-3540-3/23 od 29.11.2023.godine.

Član 3.

Donosi se Odluka o izboru najpovoljnijeg ponuđača i ugovor za nabavku radova „Izvođenje radova na sanaciji eksterijera Doma u MZ Misurići“, dodjeljuje se ponuđaču Konzorcij „DKM Gradnja“ d.o.o. Maglaj i „Dževkomerc inženjering“ d.o.o. Zavidovići, gdje je voditelj konzorcija „DKM Gradnja“ d.o.o. Maglaj, u skladu sa ponudom broj 169/23 od 17.11.2023. godine, po ukupnoj cijeni od iznosu od 43.048,75 KM bez PDV-a, odnosno iznosu 50.367,04 KM sa PDV-om.

Član 4.

Ponuđač iz Člana 3. obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

Član 5.

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

Član 6.

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

Obrazloženje

Odlukom o pokretanju postupka broj: 05-04-20-3540/23 od 10.11.2023. godine pokrenut je

postupak javne nabavke za "Izvođenje radova na sanaciji eksterijera Doma MZ Misurići", konkurentski zahtjev za dostavljanje ponuda.

Predmetna javna nabavka objavljena je na portalu javnih nabavki Obavještenje o nabavci broj: 1140-7-3-126-3-75/23 od 10.11.2023. godine i "Službenom glasniku BiH" broj 79/23 od 17.11.2023.godine.

Kriterij za dodjelu ugovora je ekonomski najpovoljnija ponuda.

Nakon provedenog postupka ugovorni organ je donio Odluku o izboru najpovoljnijeg ponuđača broj: 05-04-20-3540-3/23 od 29.11.2023. godine, kojom je za najpovoljnijeg ponuđača izabran ponuđač "Zanati" d.o.o. Maglaj.

Navedena Odluka je u zakonom predviđenom roku dostavljena ponuđačima koji su učestvovali u postupku javne nabavke zajedno sa Zapisnikom o pregledu i ocjeni ponuda. Drugorangirani ponuđač Konzorcij "DKM Gradnja" d.o.o. Maglaji "Dževkomerc inženjering" d.o.o. Zavidovići, gdje je voditelj konzorcija "DKM Gradnja" d.o.o. Maglaj, izvršio uvid u ponudu prvorangiranog ponuđača "Zanati" d.o.o. Maglaj, te blagovremeno podnio žalbu broj 05-04-20-91/23 od 05.12.2023.godine.

Ugovorni organ je prije razmatranja žalbe utvrdio dopuštenost, blagovremenost te da li je žalba izjavljena od ovlaštene osobe, shodno članu 100. stav (1) Zakona o javnim nabavkama BiH, te utvrdio da je ista blagovremena, dopuštena i izjavljena od ovlaštenog lica.

Postupajući po žalbi, razmotreni su navodi iz žalbe, izvršen uvid u kompletnu dokumentaciju, te je izvršena ponovna analiza dokaza, a u odnosu na navode i propisani zakonski postupak, te je utvrđeno da je žalba osnovana.

Komisija je pristupila detaljnoj provjeri svih navoda iz žalbe, te je nakon razmatranja dala svoje mišljenje kako slijedi:

Žalitelj je u žalbi naveo da je ponuđač u Ponudi dostavio spisak osiguranih lic sa ukupno 13 uposlenih zaključno sa diplomiranim inženjerom građevine.

U Tenderskoj dokumentaciji se tražilo pod tačkom 3.4. Tehnička i profesionalna sposobnost da u skladu sa članom 96. i 99. Zakona o prostornom uređenju i građenju u radnom odnosu ima između ostalog najmanje 15 kvalifikovanih radnika odgovarajuće stručne spreme za izvođenje predmetnih radova.

Nakon što je ponovno izvršen uvid u dostavljenu dokumentaciju ponuđača "Zanati" d.o.o. Maglaj je utvrđeno da je isti dostavio Listu osiguranih lica za obveznika broj: 13-4/3-12-45-164/22 od 20.09.2022.godine koju je izdao Federalno ministarstvo finansija Porezna uprava Federacije BiH, Kantonalni porezni ured Zenica, Porezna ispostava Maglaj, utvrđeno je da Društvo za građevinarstvo i usluge "Zanati" d.o.o. Maglaj ima ukupno 15 uposlenih.

Iz Liste osiguranih lica za obveznika "Zanati" d.o.o. Maglaj broj 13-4/3-12-45-110/23 od 16.11.2023.godine je utvrđeno da je ukupno 13 osiguranih lica.

Tačkom 3.4. Tehnička i profesionalna sposobnost 3.4.1. Uslovi koje ponuđač mora ispuniti u pogledu tehničke i profesionalne sposobnosti je utvrđeno da ponuđač mora ispunjavati sljedeće uslove vezane za tehničku i profesionalnu sposobnost: b) Da ima angažovano osoblje koje ispunjava obrazovne i profesionalne kvalifikacije zahtijevane čl. 96. i 99. Zakona o prostornom uređenju i građenju Zeničko-dobojskog kantona („Službene novine ZDK“, br. 01/14 i 4/16), odnosno da u radnom odnosu ima najmanje jednog diplomiranog inženjera arhitektonске ili građevinske struke, sa najmanje tri godine radnog iskustva i položenim stručnim ispitom, te najmanje 15 kvalifikovanih radnika odgovarajuće stručne spreme za izvođenje predmetnih radova.

Dakle, kako je iz Liste osiguranih lica obveznika broj 13-4/3-12-45-110/23 od 16.11.2023. godine, utvrđeno da ponuđač nema najmanje 15 kvalifikovanih radnika odgovarajuće stručne spreme za izvođenje predmetnih radova, obzirom da ima ukupno 13, Komisija smatra da su žalbeni navodi osnovani.

Imajući u vidu prethodno navedeno a zbog činjenice da je postupak javne nabavke strogo formalan postupak i da svaki nedostatak predstavlja osnov za odbacivanje ponude sa nedostatkom, uložena žalba ponuđača "DKM Gradnja" d.o.o. Maglaj je osnovana te se ponuda ponuđača "Zanati"d.o.o. Maglaj, odbacuje kao neprihvatljiva, stavlja van snage Odluka o izboru najpovoljnijeg ponuđača broj 05-4-20-3540-3/23 od 29.11.2023.godine, te se ugovor za izvođenje radova dodjeljuje ponuđaču Konzorcij "DKM Gradnja"d.o.o. Maglaj i "Dževkomerc inženjering" d.o.o. Zavidovići, gdje je voditelje konzorcija „DKM Gradnja“ d.o.o. Maglaj u ukupnom iznosu od 43.048,75 KM bez PDV-a, odnosno iznosu 50.367,04 KM sa PDV-om, jer je u ponovnom pregledu i ocjeni ponuda utvrđeno da ponuda navedenog ponuđača sadrži sve dokaze zahtjevane tenderskom dokumentacijom i tehnički je prihvatljiva.

Na osnovu navedenog u skladu sa odredbama čl.100.stav (3) Zakona o javnim nabavkama BiH, odlučeno je kao u dispozitivu ove odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 5 (pet) dana od dana prijema Odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



